

Cofnodion Cyfarfod Cyngor Cymuned Llanddeiniolen 6ed Rhagfyr 2022

Croeso ac Ymddiheuriad - Rhoddwyd Croeso gan y Cadeirydd, a gair o weddi gan Idris Thomas.

Presennol - Y Cadeirydd Emma Chappell ynghyd a'r Cynghorwyr Elwyn Jones, Idris Thomas, Phyllis Ellis, Jane Pierce, Ellen George, Gareth Griffiths a Dawn Parry.

Ymddiheuriadau - Lowri James, Sasha Williams, Ynyr Parri, Richard Jones, Elfed Wyn Williams a Rhian Evans-Hill gysylltu â'r cyfarfod. Croesawyd y Cynghorydd Berwyn Parry Jones.

Derbyniwyd llythyr yn ymddiswyddo gan Richard Ll. Jones. Diolch iddo am ei waith dros y 35ain diwethaf.

Datgan Buddiant - Dim

Cofnodion 1af Tachwedd 2022

Cafwyd y Cofnodion yn gywir:

Gareth Griffiths (1)

Phyllis Ellis (2)

Materion o'r Cofnodion

Cysgodfa'n Bws Brynrefail - Yn anffodus nid oedd Ynyr yn bresennol i roi unrhyw sylwadau pellach am ei sgwrs gyda'r contractwr am roi fwy o gysgod ar y ffrynt. Daeth cais efallai y buasem yn edrych i weld os oes posib trefnu i gael drych fel bod pobl yn gweld y bws yn dod.

Apêl Eisteddfod Genedlaethol - Bydd Noson Plygain yn cael ei chynnal yn Eglwys Crist Llandinorwig ar yr 21ain o Ragfyr. Mae sawl peth arall ar y gweill ddechrau'r flwyddyn hefyd.

Rhes Uchaf Rhiwlas - Y cynghorydd Elwyn Jones yn cyfarfod swyddogion o Gyngor Gwynedd yn ystod y mis.

Llythyrau diolch - Derbyniwyd llythyrau yn diolch am rodd gan y cymdeithasau canlynol:

Clwb Bowlio a Chlwb Snwcer Bethel, Eisteddfod Bethel a Penisa'r-waun, Neuadd Rhiwlas a Penisa'r-waun, Cylch Meithrin, Clwb Snwcer a Seindorf Arian Deiniolen

Cadeirydd.....

Gohebiaeth a Materion Eraill

Awdit a Ffurflen Flynyddol

Derbyniwyd y Ffurflen Flynyddol yn ôl gan Awdit Cymru a phleser i'w cael cadarnhau fod barn archwilwyr yn ddiamod a doedd dim wedi codi i sylw r na chwaith dim awgrymiadau na sylwadau pellach. Mae'r ffurflen i weld ar hysbyswrdd y Cyngor ac ar y Wefan.

Hysbyswrdd Rhiwlas -

Bu damwain yn Rhiwlas ddiwedd Tachwedd a gwnaed ddifrod i'r hysbyswrdd. Mae'r mater yn ddwylo'r heddlu, ac mae'r Cyngor yn delio gyda'r yswiriant.

Cynllunio

Dyma geisiadau a ddaeth i law yn ystod y mis:

C22/0916/18/LL Plas Coch, Penisa'r-waun ac Ysgubor Plas Coch

Newid defnydd tir presennol i greu strwythurau "lodge" dros dro er mwyn gosod ar gyfer gwyliau. Derbyniwyd sylw i bob cynghorydd ar y gwaith sydd eisoes yn mynd ymlaen yn yr ardal yma, a hynny heb ganiatâd. Mae sawl unigolyn wedi cysylltu â'r adran Gynllunio yng nghyngor Gwynedd. Rydym fel Cyngor yn gweithio yn agos ar y cais yma gyda'r adran yng Nghyngor Gwynedd. Mae 4 peth yma:

Rhent tŷ ar, ond o bosib heb ei gofrestru

Dymchwel ac ail adeiladu adeilad heb ganiatâd

Wedi rhoi cais am y "lodges" yn wreiddiol o dan gyfeiriad cyfagos (Bryn Eithin Terrace)

Hysbysebu'r Tŷ ar Air B and B, ynghyd a'r "lodges" sydd heb gael caniatâd.

Y clerc i ymateb, gan gynnwys pob cynghorydd yn y llythyr.

C22/1032/18/DT, Bryn Bella Cottage, Fachwen,

Estyniad ochor llawr arfaethedig Dim Gwrthwynebiad

C22/1034/18/DT Erw Pwll Y Glo, Pontrug

Codi Estyniad ar gefn ac ochor tŷ annedd

C22/1059/18/DT Craig Lwyd, Gallt y Foel,

Estyniad Arfaethedig

C22/1064/18/LL Tir ar A4244

Adeiladu mynedfa gerbydol "gloch" dros dro (3 blynedd) gyda leiniau gwyn a seilwaith cysylltiedig i gefnogi cynllun ehangach amnewid Cebl Pentir Dinorwig

C22/0934/18/LL Tŷ'n Llidiart, Seion

Codi Stablau arfaethedig Dim Gwrthwynebiad

C22/1092/18/LL Yr Hen Weithdy, Clwt y Bont

Dymchwel y gweithdy presennol; codi tŷ a modurdy ar wahân; gwelliannau i'r fynedfa ynghyd a gwaith cysylltiedig. Dim, Gwrthwynebiad

Cadeirydd.....

Llwybrau

Lôn Garret, Dinorwig - Mae weiren a phren ar y giât wedi ei thynnu oddi yno yn gyfan gwbl. Mae dŵr yn llifo lawr y lôn gan fod y ffos yn llawn. Y clerc eisoes wedi gyrru i First Hydro a gofyn iddynt roi sylw gan roi'r ffens a'r giât yn ei hol a glanhau'r ffos i arbed y dŵr lifo lawr y lôn.

Tyddyn Teg - Derbyniwyd llythyr ar gais i drafod y llwybrau troed o amgylch y fferm a thir cyfagos i wella mynediad i'r fferm a llwybrau. Rydym eisoes wedi bod o amgylch yr ardal yma gyda swyddogion o Gyngor Gwynedd, ond yn dal i ddisgwyl am gynllun pellach ganddynt, o'r ardal i gyd, Y clerc yrru llythyr gydnabod a gobeithio mynd draw yn ystod y Gwanwyn.

Y clerc i yrru eto yn gofyn am gynllun i welliannau'r llwybrau a chynnwys y pennaeth adran i'r llythyr.

Llwybr trwy Barc Carafanau Llŷ - Mae sawl un wedi trio dod o hyd i'r llwybr yma sydd yn cychwyn yn y maes carafanau, ac yn dod allan dros ffordd I Rhiw Goch yn waelod y cae yng Nghlwt y Bont. Ar un amser oedd giât yn arwain o'r maes carafannau, ond mae yn edrych fel bod y llwybr wedi ei gau, ond eto mae yn dangos fod llwybr i fod yno ar fap llwybrau Gwynedd. Cysylltu gyda'r adran llwybrau i holi.

Materion Ariannol

Cyflwynodd y Clerc Fantolen Ariannol 9 mis, ynghyd a rhestr taliadau am y flwyddyn hyd yn hyn. Rhoddwyd drafft cyntaf o gyllideb blwyddyn 2023/2024 a chynllun busnes 5 mlynedd at ei gilydd. Oherwydd costau byw ac ynni ayyb, mae'r Cyngor yn ceisio cadw'r praesept yr un fath a llynedd, gan geisio rhoi'r un gwasanaeth eleni. Byddwn yn cadarnhau'r gyllideb a phenderfynu ar y praesept yng nghyfarfod mis Ionawr.

Hyfforddiant

Diolch i'r Cynghorwyr heini sydd wedi dod a'r ffurflen hunan arfarnu yn ôl. Plis wnewch chi gyd sicrhau fod y clerc y neu dderbyn erbyn diwedd y flwyddyn, er mwyn rhoi cynllun hyfforddiant yn ei le ar gyfer y blynyddoedd nesaf.

O gwmpas y Bwrdd

Cysodfannau Bws - Mae angen cysgodfa'n Bws Newydd yn lle'r un gwaelod ym Methel sydd wedi cyrraedd diwedd ei oes. Hefyd mae cais wedi dod gan Gynghorydd Rhiwlas am 1

Ychwanegol yn dop Rhiwlas. Y clerc i gysylltu â National Grid gan ofyn am gymorth yn sgil yr anghyfleusterau yn gweithio ar bibellau pŵer o Lanberis I Bentir.

Cadeirydd.....

Brynrefail - Cais am hysbysfwrdd fel pob pentref arall. Mae hyn wedi bod ar dro ers tro, ond bod yn amhosib cael caniataid i'w osod ar dir yng nghanol y pentref. Fodd bynnag, mae yna hysbysfwrdd y capel, efallai y buaswn yn gallu ei adnewyddu. Elen I holi ymhellach.

Ffordd Deiniol, Deiniolen - Bu I lori fynd heibio fan 'Utilities' oedd wedi parcio ar waelod yr allt, sydd yn gul. Wrth fynd heibio, crafodd wal ochor Tŷ Capel Disgwylfa, a thorri rhan o'r lander, a diflannu heb aros. Mae'r ffordd llawer rhy gul i lorïau mawr ei defnyddio. Mae rhaid cael arwyddion dim lorïau yn dop y lôn a ger Garej Arfon.

Cadarnhau Taliadau:

616 - £139.00

617 - £420.00

618 - £35.00

619 - £100.07

620 - £550.00

Bydd Cyfarfod nesaf ar y 10fed Ionawr 2023

Cadeirydd.....